

1. Generaliter: Inß gemein: Auß aller Noth: Außer vnd ohne Christum mügen wir wol sagen: Angst vnd Noth haben vns getroffen / Psal. 119. v. 143. Dann da war vber vns der zornige Gott; in vns der nagende Wurm des Gewissens; vmb vns das Gesetz vnd Satan mit ihrer Anflage / vnter vns die Höll vnd ewige Verdammniß: Da hat vns Christus erlöset auß aller vnser Noth / Psal. 25. v. 22.

2. Specialiter: Insonderheit: Da hat er vns erlöset:

1. A peccato: Von Sünden: Dann dieselbe hat er getragen / Esa. 53. v. 11. Er hat die Sünde zugesiegelt / vnd die Missethat versünet / vnd eine ewige Gerechtigkeit widergebracht / Dan. 9. v. 24. vnser Missethat hat er gedämpffet / vnd alle vnser Sünde in die Tieffe des Meers geworffen / Mich. 7. v. 19. Er hat vns geschenecket alle Sünde / vnd außgetilget die Handschrift so wider vns war / vnd hat sie auß dem Mittel gethan / vnd ans Creuz geheffet / Col. 2. v. 14.

2. Ab inferno: Von der Höllen Pein: O der erschrecklichen Pein! Dieser Ort wird vns in Gottes Wort erschrecklich abgemahlet: Er wird genandt das Verdammniß / Hiob. 28. v. 22. Verderbniß / Prov. 27. v. 20. der Höllen Abgrund / Syr. 21. v. 11. das Höllische Feuer / Matth. 5. v. 22. die eufferste Finsterniß / da heulen vnd Zänklappen / Matth. 8. v. 12. das ewige Feuer / Matth. 18. vers. 8 die ewige Pein / Matth. 25. v. 46. das Feuer so nicht verleschet / Marc. 9. v. 44. der Ort der Qual / Luc. 16. v. 28. das ewige Verderben von dem Angesicht des HERN / vnd von seiner herrlichen Macht / 2. Thess. 1. vers. 9. der Psuel so mit Feuer vnd Schw

Schw